

樂安縣志卷七

兵志

序曰人類之始生命先於智識故資生事備而後圖所以濬其智右所彙錄為養為教次第略備矣是不可無以自衛則兵之說也雖邑之所謂兵者亦僅舊志蓋嘗論之然體自大不可略闕茲謹續前之為而少變其例為今稱於義未免濶大惟始擬曰防或事彼此苦不統兼部居易於陵雜用拓而曠之以防以事為子目夫而後融納周界劃楚挂漏無嫌叙述較利作兵志第七

兵防

樂安縣志 卷之七 兵志

明設青州左衛後所百戶一員旗軍一百名駐塘頭寨縣東北七十里曰

備禦所塹堡凡十皆有哨兵舊墩曰公母堂黃種上思河舊寨在所東寧墳荆埠課墩官臺甜水

河八面河在所東南無事則登高瞭望有事則駕楫遊巡又設二巡檢司

弓兵各五十名清順治初年青州府志作康熙十九年設青州壽樂營領以

參將統於登鎮康熙三十九年改為守備營坐撥千總一員馬

兵一十四名步兵四十九名分防樂安縣而守備則駐紮壽光

備禦巡司悉裁惟守城民壯五十名仍隸於縣雍正七年定例

民壯與汎兵一體操練以資扞擻之實用各防守及巡邏地之

重要者分列如左

城守營舊基在縣署東路北其演武場在縣南門外西偏地基壹畝叁分

參厘 明初建嘉靖間廢萬曆元年知縣姜璧重建大門演武廳燾

臺六年知縣崔汝孝重修增抱廈候館厨房各一間今惟臺址

尚存

大王橋汎在城東南二十五里因縣東北負海鹽場灘竈皆列其

地私梟出沒水陸並進綿延百餘里故必分扼要衝以謹巡緝

共分四路

舊志

南路

大王橋與壽光屬之彭家道口毗連為私販必經之地故橋南北俱宜截守

東路

從王家岡來過高家港必由王家店經小張田家新鎮來過

張郭往臨淄屬之大夫店宜於王家店守之 西路

寺口即交博興界 中路 從小清河口起過神堂燕兒口尹家店

宜於各口守之 村守

新店汎在新店莊內額設外委一員防兵若干名清道光季年由

樂安縣志

卷之七 兵志

新城汎移撥駐此

原由樂博兩縣協議呈請添置防汛以杜利津鹽梟南下滋擾兩縣每年各協濟百金

操場官畝玖分在莊東北

沿海墩臺東接壽光縣之官臺墩西北十里為玉璞墩又十里為

滴溜墩又十里為半江墩又十里為木樓墩又十里為嘴上墩

又十里為美溝墩又十里為新河墩又十里西接利津縣之牡

蠣墩

按

擇地設險昔為要政所謂水陸各防是也而時勢移易法當變遷微論積久弊生武備日弛而膠柱刻舟防禦之道

亦有不適邇來鹽梟土匪隨處竊發海上水寇亦非舊日墩臺所能遏弭抑以知變通之不可緩也

兵事

宋靖康時臨朐土寇竊發

乘南遷之變

邑丞丁興宗率民兵拒守不克

死之見舊志 此為縣境兵事之較遠可考者明永樂間唐賽兒

黨破樂安正德二年流賊劉六劉七齊彥名等轉掠山東攻益

都未克知益都縣牛鸞率子弟兵及諸亡命躡賊後戰於邑城

東之大王橋破之見青州志 六年劉六等連陷樂安安邱悉眾攻

諸城見青州府志諸城知縣王緒傳 又舊志載崇禎十五年城陷考通鑑是年清兵克薊州

分道南嚮至山東連下兗州等府凡攻克八十餘城時死於戰守者並列臨淄知縣文昌時則邑城係與臨淄同時陷落可知

當日城守情形雖失紀載其關於兵事自為重要清順治十四

年夏土寇張介石陷城知縣蔣元彥死之咸豐十一年捻匪竄

擾縣境 八月十七日由東南而西北 掠小清河南北一帶先是臺博興及本縣支脈溝北鄉勇防河北岸防潰賊遂北掠

團長陳超萬率民團與匪戰於朱

樂安縣志 卷之七 兵志

家窪團軍初不敵得利津鄉勇接濟勢復振 匪敗竄乃分二股一東走壽光一南

趨青州蒙古親王僧格林沁統大軍追過縣城把總韓吉泰出

城犒之是亂村民被害者眾尤以城北之李家樓東北之木橋

頭大馬頭東南之韓家莊為最烈若東鄉之五村稻莊均築有

圍圩附近各村依以保全同治六年五月八月十一月捻匪又

數擾縣境時各村圍圩多成賴以未受鉅創 其十一月十一日聚集南鄉之殘

匪曾夜渡淄水襲擊臨淄北境張王莊一帶 住紮之官軍旋經官

軍由縣境追入壽光境東竄

舖遞

舊志附列公署類內今仿樊樊山湖北通志商例列舖遞於武備之意移入兵志考縣境舊有一十三舖總舖

在縣治西北分舖東十里趙家舖二十里淄河舖南十里阜城舖二十里率家舖西十里白家舖西南二十里大張

鋪又西南二十里楊趙鋪北十里秦王鋪北二十里張家鋪北四十里尹家鋪北五十里燕兒鋪北六十里鹽塚鋪
後陸續廢置變易至
雍正間僅存六鋪

縣前總鋪南十里鋪黃坵鋪東十里鋪淄河鋪西十里鋪鋪司六

名鋪兵總鋪三分鋪各一志舊光緒間司兵減為十一名又里甲

夫馬馬三匹驢一頭馬夫三名白夫六名賦役全書

按驛站之設自古已然置郵傳命羽檄飛馳歷代所資為便利也自清季郵政改良而舊日鋪遞次第就廢殆亦自然

之趨勢歟